

二

知

軒

詩

鈔

二知軒詩鈔卷八

定遠方濬頤子歲

古今體詩一百一十三首

同治壬戌正月至七月

正月初五日詠雪疊去春雷字韻二首

雪滿蓉山蟄凍雷詩人慣說冷南來

屈翁山詩云邊融人帶得冷南來

甘預卜豐年穀送哽先傾餧歲杯

客飴

微雪

青草黃茅邊瘴

洗飛花繆絮陣雲催閉門欲問陳無已

謂覺

嶺表瓊霽

見幾回

經綸展布象雲雷北闕新頒

鳳詔來

是日

恩

瑞色

峯頭排玉樹恩膏天上降銀杯凱旋共覩戎行肅

藍山近已

撒兵白戰偏聞號令催忽覺炎荒齊盪滌光明大地放春

回立明日

春

題者九峯中丞與天游室印存

柱石天南鎮廢崖待勒勳公餘耽篆刻小技亦精勤上  
究斯冰法旁參蟲鳥文三橋應把臂過眼富烟雲  
夙仰凋戈烈韜鈴靖豫章神奇歸掌握變化運鋒鎔悟  
出三倉體依然百鍊剛圖書同不朽謳誦到炎荒

吾衍王球外文房生面開羅胸殊耿耿游刃自恢恢兵  
氣銷涯水威名播越臺芝泥春煥采新向藥洲來時以  
藍山

肅清旌節  
將旋首垣

治民如治石三復故人書

冊中有張雨馳手札

力挽鐫鉤習功資

砥礪初雲司曾領袖風骨此權輿追琢慙頑鉖何能附

佩琚

得黃少鐵之晉同年自贛州來書以近刊大箸見

示感賦一首奉答

一別已十年風塵胡潦倒雙江闢吟社中有山谷老鍊  
此錚錚鐵奚難穿魯縞萬卷付灰燼千軍猶橫掃載賡  
老僕篇集中老僕行五七古二首尤爲傑作汪洋吐襟抱嬉笑雜怒嘵  
語能獨造管城破寥寂硯田起枯槁江左舊名士頭白  
擅華藻不朽在立言述道益探討座上擁皋比青燈味

常好骨力外堅定神明內濯潔友朋報瓊瑤弟子佐梨  
棗飛書到炎荒使我心悼慟往者獲齊年同上長安道  
無雙譽江夏波瀾極淵浩俄看捧檄去撫字登上考豺  
狼忽肆虐倉黃營戰堡膏血漬原野赤子失襁褓九死  
竟一生榛莽留勁草無官復無家孰與叩穹昊重以桑  
梓災妻孥愁莫保脊令增我慟謂子健弟妖氛練湖擾慨自  
兵革興大地半荼蓼鄉園餘瓦礫泥塗委絪縕宦遊粵  
海羈歸夢淮山遶衙齋慶園圃卅口詎爲少荏苒度兩  
秋建樹鮮分杪江漢廣通商此間虛設船回首憶春明  
竹枝吟未了翻因水土惡動遭二監鬻去夏感寒溼久

之轉炎燥敦鬱困青龍惝恍戰朱鳥參芪一再誤營衛  
患非小存亡呼吸判暝眩昏曉那知服清涼頓覺除  
熱惱方欣溽暑退重觀圓月皎牕理受害深病魔迭纏  
繞養癰自貽戚肘腋防不早滿目皆瘡痍遑恤我躬藐  
石丹與靈莖仙山有至寶當其痛楚時游行臂罕掉漫  
圖排悶法偃仰就腹橐韶石共鏗鏘嶺雲偕縹紗伊誰  
助推敲敢詡穢拔趙快哉讀君詩精思窮宵寐淡乃  
彌永儼如酌清醧神往鬱孤臺高詠倚篁篠故交歎零  
落鯁生髮亦曷迢遞隔梅關香國春風杳波馴泛泛鷗  
羽倦肅肅鵠世路太崎嶇遠矚蓬萊島會須脫塵網言

訪采芝皓

寄毛煦初閣學同年兼懷段春湖前輩尹杏農李子和陸眉生三君

稜稜風骨出西臺獨抱文經武緯才百職威名在桑梓

三遷峻望屬蓬萊

君奉命爲河南團練大臣督辦軍務去年山順天府丞擢同鄉淳陞大

京兆旋受內閣學士一月三遷洵異數也昔時白箭朝端肅此際紅旗馬上  
催始信撼山難撼岳韻鈴都自夢中來

君在都常與予言少時夢岳少

甚奇保事

汾陽移節向中州

謂僧耶開府忠勤第一流謂鄭端賴和中丞

衷平大難爭看脫穎勵同仇干戈未了蒼生劫宵旰應

紓廊廟憂聞道軍容茶火盛妖星早晚落旄頭

唱酬憶否住西軒並轡追隨入拔垣紅藕香中秋選韻

丙辰年予與君以紅衣落盡秋風生試題在棘闈聯吟三十韻紫藤花下夜開樽君在

都寓

琉璃廠藤花書屋乃漁洋山人故居竭來映掌風塵內猶覺虛懷古誼敦

難得請纓伸壯志憑君問訊兩黃門

謂子和眉生

太尉家風有笏傳

謂春湖前輩

防秋勞勸重河堧甘投彩筆

偏磨盾力挽狂濶欲障川珂里雙持新使節金臺孤負

舊吟鞭詩人吉甫依蓮幕

謂杏農

一例相思寄錦箋

嶺南迢遞萬重山長夏優游案牘閒差喜樓船下湟水  
卻愁番舶滿江關於今吳楚乘槎到何日濠梁放棹還

才拙招徠瀧吏笑素餐無銜濟時艱

高涼徵調羽書頻又見軍符下七聞珠海蒼茫吹角夜  
珊瑚厯亂荷戈人撫循但使恩威濟步伐渾如臂指親  
頗怪兵多專用勇逍遙河上太無因

百千斟酌取毫釐聊救中原士卒饑畛域未消殊扞格  
錙銖過計亦權宜須令勝負籌全局莫遣侵吞有漏卮  
舍己芸人非得已東南半壁要支持

崎嶇厯盡轉安恬匏繫天涯口欲箝媿我先忘伐檀詠  
羨君早慶拔茅占纏綿意共魚書達嘯傲風生虎帳嚴  
願乞瓊瑤叶韶石梁園珍重報郵籤

郭外寓目感賦用東坡與胡祠部游法華山詩韻  
四圍環作琉璃界東湧西武非一派源頭雨足新漲生  
奔騰直下箭鋒快岸曲隨山走蜿蜒灘高無風響砰湃  
萬峯匼匝入雲表放眼只愁天地隘北江控制堅且完  
譬彼金剛永不壞芙蓉蓮花互秀發卓然文筆聳靈怪  
耕夫戴笠牛背眠村婦牽舟魚網曬此中可有希仁徒  
閉戶研窮寶金薤邇來強半棄毛錐憑仗勇力逞機械  
功名要從馬上得歌詠翻嘲壁誤疥安得洗兵長不用  
手把鋤犁捐戰鐵淮山淮水賦歸歟逍遙一了行腳債

自題波浪餘生圖

吁嗟乎覆舟曲江內繪圖文江邊風濤轉瞬剛十年臨  
湘亭下重繫船故人崔顥已黃土

元甫於乙卯秋下世

空留畫幅

衙齋懸遭逢今昔判夷險試讀莊叟逍遙篇浮沈臺省

百無補雨露獨荷君恩偏材難作楫濟巨川心如履

冰臨深淵乘風破浪未敢必隨波逐流吾豈然茫茫宦

海絕涯涘釣竿慣被珊瑚牽江湖騰沸氣祲滿盡拋未

耜橫戈鋌斯民陷溺歎日甚誰歟一柱擎南天湏武兩

水頗不惡萍蹤再聚洵有緣正思激揚救頽俗敢以泡

幻輕談禪飄蓬斷梗殊自憐濤聲入耳鳴濺濺譬鷗狎

水魚忘筌外雖震撼中則堅侵尋綠鬚俄華顛澄清有

志宜勉旃挽瀾上法昌黎賢斯時河伯真無權青蘋不動鋪淪漣鏗鏘韶石雲中宣起看漁父爭扣舷

子祥二弟航海至韶感賦一詩

同庚兩弟兄一別七年久阿兄宦嶺南骨肉聚卅日阿弟客昭陽隨侍從父母迢遞數千里奚緣重握手雁行慘中斷謂子健三弟饑驅事奔走故鄉無一樣荆棘徧岡阜冷官殊不俗道梗虛綰綬弟久選桐城廣文以道梗不能赴劬勞謀菽水天性敦孝友閒關逾重洋意外忽聚首相見悲喜集揮涕把樽酒絮語少小事猶記歲在酉兄從苕霅歸吾家正豐厚高軒築倚雲草堂富花柳里門慶園翻力學

勉荷負閒時對楸枰呼童采菱藕怡怡樂可知方冀田園守中道輒分飛登車辭隴畝伯季赴長安天街馬偕趣仲也伴庭闈承歡薦芳糗世事胡反覆浮雲變蒼狗中年遭坎輶掃愁竟無埽淚雨灑灑阡妖氣起巖藪外侮由內訌構禍始寅丑祖宗締造艱灰燼復何有那堪練湖側成仁名不朽流離缺囊飧忍痛餐碑莽書來難卒讀偏值柳生肘病魔屏未退離緒迭紛糾因循遲報書撫躬敢辭咎見弟如見叔我衷快分割庭訓無日忘愚直天所受一人沐君恩舉家飽庾簸安樂圖共享何必辨誰某斐斐出清俸持爲雙親壽近聞肥上平王

城武夫趙薄田漸可耕虎豹絕蹕瓜原畔闢榛蕪池邊  
種芹茆人曰官爲家我笑俗見狃會須定歸計同作煙  
霞叟竹林與棠棣相依到耆耆昂頭問彼蒼此願能遂  
否

暑窗獨坐追憶辛亥舊游漫成長句

嶺外炎官威令早火繖高張滿蒼昊今年無病轉呻吟  
汗雨沾衣添熱惱碧紗四圍豹腳攢班竹一枝鼠鬚燥  
何緣入耳銅盞敲賣冰遠憶長安道欲出動憂冠蓋集  
惆悵奚由解煩燠忽然放歌頓忘暑聊爲珠江補遊草  
杉皮閣下晚潮至荔支灣裏涼雲繞空闊鷺潭泛艇過

花田深處園林好琉璃世界水精城白波卷盡玉山倒  
夜闌打槳氣蕭森拋卻蒲葵風自扇更有離明道觀幽  
繪步踏歌人不少城中勝境數越秀石磴迴旋蔭松篠  
琳宮紺宇入天半置身疑是蓬萊島斯時心體皆清涼  
歸去黑甜直到曉科頭跣足大自在十年一別關河杳  
邇來宦遊苦束縛兀坐衙齋愁隘湫藥洲迢遙未能赴  
回思陳迹偏了了終須買舟下湧陽極目秋山凌浩渺

雜興

山遠不覺高水寬不覺深福福相倚伏夷險出寸心豈  
知坦途中拳石猶巒崿潢汗一勺多隨在皆浮沈處境

弗爲困至德彌惜惜晏安弛防閑憂患來相侵  
春蠶本微蟲能吐千丈絲衣被徧天下經綸原至奇功  
成身化蠅蠹然一何知社公向之笑雖巧吾不爲憑空  
結羅網么麼受羈縻蚊蟲及蠅蚋飛墮吁可危殺機口  
吻閒翻謂龍精癡

甲第高峩峩富貴埒侯王赫奕冠蓋區喧闐歌舞場有  
金堆滿簾有粟儲滿倉出門盛呵從雕輦七寶裝意氣  
何熊熊歡樂殊未央一朝羣盜至驅縛如犬羊樓閣化  
焦土蕭條同北邙試看環堵室依然大道旁鵠衣者誰  
子往日居華堂

老松臥空山輪囷數千尺冰雪長青葱柯幹礪鐵石本  
是棟梁材託根在幽僻匠人棄弗顧濤聲斷行迹抱樸  
完其天萬古等朝夕嗟爾爨下桐彫斲殊可惜

天下無桃源高人何所往中原莽荆棘白日跳蜩螭誓  
將捨鋤犁比屋列兵仗溷迹層沾內顧盼雲臺上反令  
瑰奇士獨作烟霞想閉門學種菜烹茶自拾橡漿無名  
利心塵外寄真賞

從軍樂

東南方用兵百姓願當勇倉卒議招募來者不旋踵只  
圖作捍衛何暇計鬪茸江湖亡命徒中有將帥種與其

驅老羸牙纛任虛擁曷若收勁卒雲集勢洶涌遂令田  
野間虎狼聲價重

百夫必有長五百卽成營往往出一家父子及弟兄十  
每虛三四餉糈吞餘羸元戎按軍籍羅列具姓名散勇  
濫充數魚混難分明持此詰營官彼反愕然驚號稱見  
史冊古無足額兵

寇去勇始來勇來勝於寇沿村大搜索攘奪互爭鬪橐  
囊載朱提戰馬駄錦繡弱女牽衣哭耶娘不敢救謂有  
逐賊功儻來天所富縱使主帥知朦朧弗深究餉缺兵  
益騎烽烟滿斥堠

我師方休息不期與賊遇紛紛曳兵走倉皇如脫兔非  
無敢戰士斷後揮戈往斬馘才一二死亡以百數曰轉  
敗爲勝軍心幸稍固驩呼聞下令明日馳露布

露布去若飛直到甘泉宮嘉爾貔貅隊建茲汗馬功走  
卒擢偏裨負販皆英雄破格求將材朝廷原至公如何  
荃與蓀蕭艾廁其中投筆不提戈顧盼騎花驄

我軍再三捷賊勢不少衰東竄而西逸旋得旋失之行  
間圖醉飽隴上添瘡痍未見兵氣壯但覺民力疲斯時  
羣不逞翻謂能居奇縱寇以養勇寇殲勇何爲即使偶  
裁汰亦無歸農時橫行鄉里中驚馬豈能羈

紙上可談兵筆端起鋒鎧傾倒東諸侯延入蓮花幕議論爲贍識詞章爲韜畧草茅腐書生可以傲衛霍自從用民兵寒士得附託布衣致公卿冠帶釋芒屨方今苦流離唯有從軍樂

蚊兜

凡物皆身外相關唯痛痒緣席蚤跳躍處禪蟲來往香芸與水銀治之猶反掌云何忝民虐億萬布死黨未昏聚成市非雷應如響逞其口吻利飲血人用享矧茲蚊子樹其種出桂廣不待子孓蛻珠顆綴林莽更傳有蠭母吐納引圓吭鷗鳥生白鳥鄧氏說豈罔柏寢開紗廚

憫饑餵以餳霸主仁近佛我輩漫規倣嶺南多巧思制  
作記疇曩土人呼曰兜腹空口肖益兩頭判尖圓半繭  
形鬚彷縱只須蕉葛編或類蒯綫當其繞屋飛營營復  
攘攘艾薰偶驚滑烟散威更長龍鬚那可得夜蘭徒想  
像何術妙驅除惟此足憑仗任爾肆歌謠寂靜垂簾幌  
燈火且勿施暗裏自推盪盡入我彀中無一能漏網葵  
扇屏勿搖安坐讀書梶乃知牢籠法自然非勉強囊括  
本無匹覆轡焉有兩卽小可悟大參觀理不爽門下慶  
廓清四體得所養願告郭舍人是宜受上賞

我思五首

我思清溪水曲曲城中流玻璃作窗牖白玉爲簾鉤東  
有邀笛步西有媚香樓涼月白於銀輕波碧如油香風  
泛艇過蜂蝶能銷愁如何金粉地濁浪蟠鯀虬美人化  
黃土蕭條已八秋爲問板橋邊垂楊似昔不

我思九龍山山山都帶慧是生姑射姿天然出塵麗飄  
飄蓮花巾翩翩菱荷製眉青雙頰紅仙貌儕蘭蕙但結  
歡喜緣那解安心偈一朝引外魔五銖驚委蛻空餘泉  
水清雲峯不開翳

我思錦帆涇采蓮豔千古香水好顏色家家敎歌舞至  
今冶芳浜搖曳烟中艤明燈若繁星光采落釵股居然

花世界風月兩無主驚起野鶩鶩滿空飛血雨穠華頓  
銷歇嬌聲斷金縷

我思金牛湖湖上紛鳴璫六橋三竺閒濃淡鬪新妝雲  
山著粉黛隄柳生輝光無怪白太傅不肯拋餘杭年年  
十錦船絢爛水中央江潮吼鼉鼉巖穴叫鳳凰可憐萬  
松下寒濤一徑荒

我思富春江儼然山陰道漁家聯九姓盪槳四時好尤  
愛晚秋天螺峯黛橫掃兩岸綠蕭森間以紅碼碭蒼松  
與鳥相渲染成畫棗篷窗笑嫣然遊子暢懷抱轎地起  
鯨波畫眉聲懊惱釣臺人寂寂不見垂竿老

閨情回文學東坡體用原韻

春晬舞盛柔絲柳媚眼低捎細乳桐人醉倚欄瓊鉗墜  
落花催醒酒杯空

紅葉霜天遙寫怨白雲秋塞絕壘腸風兼雨和寒砧搗  
月夜淒然忽夢郎

羞含翠黛眉峯亂灑淚湘簾小院深頭上訝垂新樣錦  
斷魂香閣夜彈琴

春曉呢鶯流檻曲撫絃么鳳緣栖桐人情憶否歸期訂  
好夢驚殘繡幕空

紅暈臉霞堆上枕滿懷離恨惱柔腸風生響逼敲窗雨

道遠愁儂怕說郎

羞見一叢花簇錦艷詞新與寄情深頭回盼到書傳雁  
斷續聲諧調入琴

銷夏漫興

地擅林泉勝人希魏晉風日長無一事歸臥草堂中  
青山當戶秀綠樹抱村圓豐樂天然景稻花開滿田  
雨足陂塘水風來菡萏香不知紅日上隄畔盡垂楊  
蟬鳴檻外琴蛙奏池邊鼓自爾叶宮商田家新樂府  
清幽好臺榭薜荔繞牆垣活水山泉引鱗鱗直到門  
鳳尾拂簷高虬枝怒湧濤空庭忘暑氣濃碧蔭周遭

四壁皆琉璃光明益深窈妙香清我心  
爐烟幾絲裏畫檻俯清流玲瓏屋是舟  
紗總疑白晝月漾水晶毬長廊行不斷  
屈折赴林端高閣狂飄至溼雲生翠巒  
窄徑洞然開境地倏森爽桐陰與蕉陰  
一片瀟瀟響嵌空太湖石點綴作溪山  
涼意秋先到蒼茫蘆荻灣園中多種竹  
竹裏塵囂屏茅龍不趨炎得此清涼境  
盆樹訝奇古經營見匠心編成風雨勢  
坐對滌煩襟劉園松作牆蔡園桂如蓋  
何妨一仿之鄉國兩稱最迴環亞字籬  
雜花堆似錦娉婷十姊妹幽人轉豪甚  
長安士夫家涼棚高出屋吾廬不如此  
松毛已云足

文竹茸茸嫩錢蒲簇簇青折枝蘭可配香透霽紅瓶

羨他老少年未秋先燦爛白髮也風流思量爵無算

但師徐邈聖莫學次公狂酒國逍遙慣壺中日月長

蔬筭味清腴冷淘殊不惡只愁我負腹屠門空大嚼

葛綢珍番船蓉紗貢帝都山家厭華美蓑笠稱詩癯

須妨象簾滑不愛龍鬚軟瀟洒獨此君睡鄉任消遣

烏油面寫金油紙扇以泥金寫小楷羽扇腰橫玉京師羽扇以腰橫玉帶者爲貴

拏向籃中捐蒲葵差免俗

樓臺陋金碧花草謝瓊瑤熟客不須到歲寒盟久要

幸離烽火災達勝蓬蒿宅盤桓水石間于焉永朝夕

雜詩

謂地在天中天若包地外圓圃卵含黃那覺乾坤大天  
外究何物綱維萬古賴神仙且不知荒誕理難會無終  
亦無始循環否而泰欲窮開闢前其說近狡猾

言理兼言數豈是聖賢學風俗與世遞盛衰互復剝要  
其治亂機主宰一人握刲業何清明末造何混濁豁達  
大度包苛察元氣斲亦有中興主不畏羣雄角天人本  
相應轉移信乎確古今同一轍夢夢者罔覺理也數隨  
之識諱可盡駁

一法有一弊弊生法不立一利有一害害出利不入舉

朝方晏安其勢已岌岌明知誤因循偏又喜固執理弗辨重輕事弗權緩急獨斷淆是非脂韋動成習浸淫釀禍亂補牢竟無及

宇宙大經濟不外順人情歛之爲忠恕擴之爲治平小心建謀猷矜張敗垂成鹵莽百英雄豈如一書生出其所蘊蓄強於萬甲兵閭室果勿欺蠻貊皆能行可常亦可變務實休務名

君子黨君子奸邪將何之小人黨君子緣飾遂不疑咄咄門戶分紀綱坐此隙厯觀漢唐宋有明禍益滋朝廷若戰場攻擊無已時譬水激使潰如馬縱使馳動曰天

意然吾謂人所爲

曩者顧先生

事林山人

曾作郡縣論子孫世其官意蓋仿封

建蒙竊進一解更張患支蔓大府今諸侯下僚奉成憲  
但令矢公忠豪不避嫌怨進賢黜貪汚任材罷朽鈍諱  
諱講吏治亟亟蘇民困郡縣胥得人實力共整頓眾志  
竟成城衷羸轉強健不然卽擯斥懲一百用勸大柄歸  
我后孰敢希鐵券

才士心地隘腐儒眼孔小剛僻類古狂模棱儼大巧欺  
世學則僞沽名廉則矯畀之艱鉅任貽誤殊不少因思  
破格求或者得腰裏敷陳極剴切曷嘗露儂佻一朝荷

拔擢魚目混雜曉紊亂殆尤甚如絲愈棼繞鳴呼在知人孰中有虞肇

賤者忽然貴冠纓奮戎行貧者忽然富士卒滿橐囊戰者忽然撫狡兔窟善藏降者忽然叛饑鷹飽便颺造物任顛倒刦運吁可傷東南久侈靡禮教疏範防長官競姑息縱寇爲民殃人事致此變安得問彼蒼

寇行已百里兵行不及半寇糧隨地擄兵糧每月斷養兵以禦寇寇至兵早散分兵以應寇兵少寇無算捨兵而用勇桀驁鮮羈紲裁勇而練兵節制勤礪鍛議剝莫議防神速微疲玩書生見如此毋乃等冰炭

不患不知兵第患不讀書仁勇道一貫文武匪分途至  
大至剛氣匹夫曾有諸儒臣富韜畧猛將愁曳婁上馬  
揮琿戈下馬綰銅符爲問偏裨材是否聖人徒令我思  
祭遵雅歌還投壺

鼓盪六合內有氣曰太和上以隆位育下以化偏頗渾  
如投參苓斯須起沈疴營衛得所養膏肓走病魔自從  
方寸乖靈臺障日多畛域芥蒂生叢雜害嘉禾外患猶  
易除此疾何時瘥

舉棋爭先著一子定全局張琴欲改絃同工奏異曲河  
山戰壘銷天地元音足勝負及高下了然心與目攻其

所無備操之敢太蹙卽小以喻大家國事相屬

道遠識騏驥歲寒知松柏四躡籥風雲一心堅鐵石物  
類尙有然功名宜愛惜庸福奚足羨顛危仗擘畫盤根  
錯節時至誠吐胸膈以才爲性命坦白畧形迹中外百  
廢舉疑謗羣情繹古今有幾人忠貞輔英辟

### 貪狠行

有貪者狼智過虎奪穴而居誰敢侮猙獰當路獨橫恣  
以豺爲羣狼爲伍世間紛紛沐猴冠心樂山林厭圭組  
妄思中原鹿可逐大夫那屑隨五羖牢籠羈縻兩不受  
彼何人斯怨之府翦其族類弗顧忌奮厥爪牙彌跋扈

狼烟四起成狼村狼兮入城禍自取狼戾天生殘忍性  
狼藉地無乾淨土豈知貔貅按隊來倏爾兩端如首鼠  
乞憐忽作搖尾犬失勢幾同解角麈巧施陷阱誘困獸  
轉謂亡羊牢已補麒麟閣上欲重登天驛音異仰空揮淚  
雨嗚呼狼兮昔何不仁今何不武昔何強項自尊大今  
何帖耳甘就撫狐疑猶豫意莫決陸梁反覆羣難數安  
得弧矢伸天威射落妖星靖寰宇

聞官軍已抵金陵喜賦一首

石頭城邊雲似墨雨花臺畔狼烟直飛過三山戰艦雄  
銀濤亂閃旌旗色督師者誰方伯曾相國介弟戚稜稜

彭雪芹楊厚菴兩帥並驍猛手斷蛟鰐驅虺膽自從肥

上寇氛弭鶴唳風聲都震起鎖鑰天門博望通血染鳩茲半江水龍山峩峩爭挂弓牛渚夜靜臘長虹順流東下若荼火建業已在重圍中吁嗟乎往者擐甲何忠勤向將軍後張將軍英雄百戰賊膽落不死定可成殊勳十年憔悴白門柳濁霧迷漫蹄鍾阜掃穴掩渠指顧間如飛露布江干走到此勢真同破竹霆擊雷轟萬艤舳俄傳笳鼓入毘陵更把風波平滻瀆大酺令下金闕亭餘杭五路還青青銷烽吳越眼前事九秋譜出鏡歌聽迴看天闕高無恙依然虎踞龍蟠壯當今卓犖楚材多

安危實繫蒼生望我從嶺外揚清謳浩蕩一洗胷中愁  
遙知卷甲行吟處踏月偕登孫楚樓

聞湖州於五月初三日失守詩以哀之

菰城不到卅七年玉湖金葢魂夢牽迺來雨浙半淪陷  
此邦捍衛何貞堅趙君景伉爽貴公子記曾握手燕臺  
邊恩恩弗暇叩底蘊至今大節天南傳毀家緣難功不  
小粉榆指臂如相聯水晶宮裏澹秋月道場山下寒炊  
煙虎狼四面犯苕霅君也巨任身獨肩萬人一心誓死  
守氣數遑問蒼蒼天去冬錢塘寇再入滬瀆運餉停番  
船飛書已久漫不報嶺外聞之徒喟然宛陵石封久未

復餘姚東越方蔓延吳興蕞爾彈丸地螳斧那敵橫海  
鱸斯時干櫓矻不動孤城三載仍瓦全無端噩耗陡然  
至光陰愁絕天申前有兵無食外援斷頻揮血淚張空  
眷如君忠烈世罕匹性命何惜微軀捐回思斂生小小  
日衙齋誦讀殊安便愛山高臺恣憑眺清遠忽露蘋花  
妍箇輿倉弁訪孤鶴蓬窗荻浦聽新蟬窪尊別後尙無  
恙墨妙盼有重逢緣傷心亦罹烽火劫太息世運胡述  
遺名區勝境委榛莽豈止六客無一椽郡署後園六客堂先大夫典帳圖敬  
郡日已荒廢無存先人遺愛渺難觀摩挲畫軸增涕漣峴南祖存篋  
嗚呼趙君大節足千古作歌聊當貞珉鐫安得人

人皆能若此保桑梓我知旦夕可以滌盪宇宙清垓埏

七月初一作

爽氣颯颯穿疏櫺風來挾雨雨不停繁聲急響自天降  
清商一片搊瓏玲似因青女送秋至故遣箕伯宣威靈  
萬峯巒峩峩紛擘兩水卻帶蛟龍腥碧翁有寶賜農父  
珍珠倒瀉琉璃瓶早稻已穫晚秧茂釀膏灑徧千畦町

時和歲稔長官樂入夜甘澍如綠醞披襟快然覺心醉  
欲睡不睡傾耳聽明朝關吏報水漲三瀧幾日遲揚舲

漫吟

我來韶州已三秋何嘗一日忘魏闕浮沈金馬六七載

中間身世愁，毓婉翩然振袂辭。  
蓬山西臺霜柏寒，透骨  
甘泉每盼捷書到。  
東南妖星羅彗孛，慷慨羞作無口匏。  
蒿目時艱氣奮發，頗思搏擊隨鷹鶴。  
詎肯依附學鵝壓，方今闢門言路開。  
驛馬人人避，繅怪哉離羣羈。  
嶺表空戀芻豆受銜糜。  
昨宵曾記夢觚稜，依稀再踏天街月。

春明續憶七古十八首

京華荏苒十數秋，懊憊未作西山遊。  
恩恩一登寶藏寺，下視塵海如浮漚。  
祕魔臥佛交峩崿，翠微碧雲炳金牋。  
洞天深處好樓觀，它日還思躡芒屨。

歲在丁未己酉間，壽峯延齡字邀我往盤山，輒紅鎮日。

壽峯

延齡字

困車馬自笑無福境煙鬢此約躊躇終不遂幽人肯爲  
一官累林泉已屬李將軍謂雲丈脫屣浮名見高致

西苑汪洋太液池金鰲玉蝦光陸離行人駐馬不忍去  
正是花開菡萏時蓬壺仙境分三海江村珥筆擅詞彩  
當年退食興猶豪展卷伊人歌宛在

昆明湖畔對鷗舫萬頃淪漪景空曠豸冠鵠立靜無聲  
樹杪紅雲擁天仗昔時鶴鷺半分飛玉泉斷礎生苔衣  
就中愁絕蕭穎士五華何日停征駢薌泉久擢滇藩以  
陝道梗聞至今尚在

右

楊家臺榭太華美焦氏園亭長櫟枳城中共說侍郎居

崇樸山園亭最

佳予未曾一到金谷辟疆差可擬王侯甲第爛雲霞不

數城南韋曲花記得紅欄歌舞夜東華門外屢停車

謂嗟

靜軒故居

連畦接畛認豐臺朱朱白白錦繡堆壓倒揚州卅九品  
花王近侍殿春開擣來日日街頭喚贏得膽瓶香不斷  
挂壁天然芍藥屏嬌姿萎尾燕京冠

今人種蕙不種菊五彩斑斕堪悅目北地秋花奪春色

生機培養三時足翻新圖巧出僧廬

花之寺天南寺種菊最多

轉覺

東籬點太疏青女多情妝帝女娉婷篩影上燈初

鸞枝壽丹榆葉梅丁香開後紫藤開馬纓千縷紅絨細

多恐封姨暗翦裁真花不比唐花好能令冰雪回春早  
牡丹一月逞穠豔園丁那怕天公惱

慈仁佛地清且幽憫忠古刹綠陰稠萬壽松石兩奇絕  
正覺梵鐘高倚樓出門隨意驅車去禪關大有蕭閒處  
漫同開士闢機鋒且向空王澹塵慮

米家之船雲林閣東西同文典籍博丹青圖史插架看  
到此居然健腰腳故園金石劇銷沈過眼雲烟感不禁  
咫尺蠟廬堪破寂興來聊復聚朋簪

春明景物宜初春太平歌舞樂芳辰三更踏月不知夜  
十千沽酒渾忘貧性耽真率厭冠蓋吾輩重興蝴蝶會

筍蒲風味勝羔羊放浪豈必形骸外

水部頒冰剛入夏銅盃聲聲敲午夜招邀雨後晚涼天  
瀟洒依然雙不借最愛迢遙綠野莊琅玕萬个蔭迴廊  
如何讀畫評詩地付與游人作醉鄉

天橋烟樹擁清秋天街夜靜金波流西南一望碧如水  
寒蘆萬葉風颺颺高軒卜築大川淀卷盡白波喧搨戰  
知交零落酒杯空嗟乎也逐南飛雁

貂裘雖敝足禦冬日高三丈睡猶濃昨宵沈醉緩歸去  
雪花滿地無行蹤乞米典衣情緒雜冒凍凌寒過博塔

名  
衡衡 怪他休沐馬蹏忙只爲傳牋送殘臘

及時行樂得真趣牀頭金盡豪如故排悶聊將風月談  
偷閑肯把光陰誤莫辭偃蹇策疲羸一任飛騰捷足多  
闖徧炎涼心不改愁城獨仗酒銷磨

宦途聽鼓應官者轉羨優游輦轂下手板逡巡墮塵俗  
頭銜冷淡容山野雙環靜掩人無譁紛紛朝暮常報衙  
豈知黃門儘疏放乘馳每到日西斜

吳越齊楚聚一方長安友朋不敢忘素心幾輩久彌篤  
倏爾四海紛翱翔須知舊雨勝今雨脫畧形迹見肺腑  
天涯尚有握手期可堪別後已黃土

盧溝曉月三年別北望浮雲訝飄瞥滿胸離緒費沈吟

但聽樹杪秋蟬咽西風吹鬢漸成絲芙蓉山下空栖遲  
人寰無此高寒境玉宇瓊樓繫我思

齋中遣興用東坡岐亭五首韻

道家貪瓊粒我佛好米汁醃醪養營衛著水易生溼有  
酒須有肴嗟嗟辦已得五鼎詎必備一繩在所急敲針  
可釣魚彎弓便射鴨瓜豆雜茄瓠壓架寒烟罩栗煮桂  
花香棗剝雞冠赤菜根實至美厥號箭筈白呼童具盤  
飧入門盡脫幘興來引巨觥放論動歌泣春秋風日好  
良會幾時缺聚首各陶然何分主與客鄉園有真樂少

封缸酒名旨且甘淡碧類茗汁梗稻經冬釀輒飽禦寒溼

兒時甫把杯美滿矜驟得從茲入酒國光陰彈指急空  
階下銀蟾斗室熏寶鴨獸炭煖注湯鵝夷淨開罋沛上  
金波黃潤州苦露赤茵浸茵陳嫩芬挹蓮花白招邀醉  
鄉去不覺號絳幘村沽未馳名坐令抱璞泣紹興品獨  
重士夫罕能缺吾謂烈與柔性近且隨客會當闢糟邱  
紅友紛紛集

曩聞同臺友蒸飯用肉汁歸家偶一試入口快鬱溼又  
聞作膾脯淡中滋味得少下酒與鹽文火煎勿急所以  
食單外別刲神仙鷄或云泥封燶如尊必施羃薈萃成

一品然糠酸微赤濃腴抵八珍傾盆湯仍白彭亨羅几  
筵沉澁聚冠幘惜哉弗薦腥難免枯魚泣益之以四簋  
烹飪乃罔缺每月儼車輪昨主今爲客迢迢赴南交三年無此集

韶州鮮佳釀不如啖蔗汁環流地溝下多飲輒動溼柔落價太昂真者復難得重以鑑湖沸龜山羽書急堪憐滑稽腹大似垂露鴨且試百歲藥酒名方瓦甕自封羃忽逾一旬釀若琥珀赤頗怪衡山泉竟可亂黑白衛酒類紹興但前年曾一醉歸舟汗沾幘壇坫尙稱勁窮途羞掩泣去年苦病麌酒誥遂云缺偶酌三兩杯茗芋讓之

客杞人將毋同撫衷百憂集

虬珠含雪膚龍乳凝露汁黃皮及金橙枯腸潤全溼嶺  
南北珍品纍纍傾筐得肉食抑何鄙肥甘謀至急蟛蜞  
鮮若魚鷁鵠大於鴨所恨地氣殊瘴雲萬峯羅苦瓜不  
離口仁頻膠牙赤酸齧不去筵明辛繆齒白嚴冬猶跣  
足深秋始戴幘煎茶費工夫瓶笙屢聞泣風土頗不慣  
韻事都欠缺飯罷手一編古人皆我客神明默相契那  
用朋簪集

有感二首再用前韻

終南有捷徑豈待染柳汁只見袍笏華渾忘戰甲溼毛

雖焉用之功名馬上得如何閥閱家偷安意殊急隄畔  
聽流鶯欄邊看鬪鴨經營築臺榭綺繡紛羅幕琉璃闇  
昏曉睡起斜陽赤笙歌鬧庭院醉到東方白有酒欣倒  
屣無花愁岸續一朝兜虎至倉黃出門泣皎皎明月光  
終古判盈缺擾攘徧塵市誰非逆旅客今朝瓦礫場昔  
時珠履集

俗子戀阿堵未解飲墨汁唯毅足任重匪寬能束溼大  
公苟無私上下自相得嗟彼蚩蚩氓罔知先務急婚嫁  
侈多儀炮豚兼燔鴨頓忘室懸磬破戶蛛網罿云誰端  
教化誠心求保赤出則奮漸摩處則矢清白遑敢志溫

飽頹廢負簪幘已聞里巷謳尙恐窮簷泣匡直輔翼事  
備舉罕漏缺致身果若斯弗婉青雲客試眺原野間翩  
然鴻雁集

觀物八疊前韻

座官刷勤苦日釀百花汁槐穴蟻君臣作壩防雨溼靈  
巧奪造化巨擘本難得下此推蛇師亦能濟人急天災  
驗蜚鴻水旱占土鳴蠅蚋瞢無知動遭壁蘭羃戰爭起  
蠻觸血流蝸角赤么麼互吞并孰爲剖臯白覆首訝謝  
豹悍等莽禿幘夔蛇乃相憐寒蟹爲誰泣異爾讀書蟆  
威儀靡有缺轉丸蛻變蟬智矣推車客封侯彼何人瑞

兆微蟲集

羊城颶風行

七月初一日事是日韶陽亦有暴風

論風無過翁山翁粵人語粵渝淹通爲颶爲颶爲青東  
石尤赤游偕狂龍春秋南北名不同怪哉鐵颶尤稱雄  
曩時返棹珠江中晚潮驟漲胡恂恂孤舟一葉成飄蓬  
性命呼吸鄰鮫宮須臾風定月臘臘花田小泊維纜戰  
吁嗟巽二頻遭逢旬日倏又攖其鋒韶陽竟筮滅頂凶  
十年重到尋游蹤揭來爽籟騰高空氣候竟與羊城通  
炎荒瘴癘蒸蘿隆帝曰覆嶠奚能容盪滌足補化育功  
咨汝箕伯摧羣兇丁甲擁衛降九重雲師雨師驂螭從

陰霾四合屏翳蒙魚鱗韜住烏踐紅虎門交滙流奔潑  
三十六水爭朝宗跋扈將軍威熊熊雪浪噴舞銀濤衝  
蛟虬鯨鯢鯢鰐鱣飛廉挾持儼壓蛩掀山簸海驚湍澗  
浮邱越秀失崆峒訇陸地鼉鼓逢柱石屋瓦紛鏘鏘  
琉璃之窗翡翠篷大艤小艇舟與艤火輪激機誇鬼工  
紅單犀甲排艨艟傾舵折形蹠蹠一例浩劫悲沙蟲  
賤若螻蟻輕於鴻鵠葬魚腹神人惆上至中宿翻碧淙  
三百里內波撞捲颶颶颶颶颶颶颶稽諸佛經云具虹  
陽侯海若來相拔孟婆一喝萬耳聾封姨性緩少女慵  
獨此颶母聲彌洪顛倒地軸摩蒼穹誰歎敢彎射潮弓

窺覘五兩殊夢夢我聞此灾心征公夢叩闔閭呼天公  
日南赤子叨帡幪淪胥陷溺愛不終造物安忍欺愚侗  
願乞阿香駕靈霆亟退顚頷進祝融霹靂下震開冥濛  
禿尾制伏囚狴籬相傳新會有禿尾龍每逢颶風則出爲害火傘高張鉤懸  
銅噠氣解散元氣充寒濤忽斷西樵松蠻戶理網擎籠  
築藥洲澹沱烟靄濃我言未已春曉鐘起看朝旭穿簾  
櫳颺乎颺乎吾何惄更思借爾銷狼烽拔榛除棘揚塵  
壠洗濯氛祲天漿釀籩牘釋甲齊歸農六合和煦年茲

豐



二、知軒詩鈔卷九

定遠方濬頤子箴

古今體詩一百五十五首

壬戌八月  
至十二月

八月初十日喜帖存前輩過韶於舟中暢談竟日

移樽對酌至二更始散率成七古一章別後卻

寄

昨宵占得朋盍簪忽報故人晨繫纜兩年之別別胡久  
二日之聚聚太暫感君風木增我悲君時奉  
詛歸皖瀧阡迢遞  
腸屢斷怪君勿藥偏有喜吐棄糟粕堅質幹君六月內  
宿疾霍然因嘔吐而  
可謂奇矣胸襟曠達超等倫眉宇時復露精悍頌聲洋

溢韓江隈風骨峻嶒珠海畔爲言遂闢新結構君欲構  
遂闢已

作記

道味旣濃宦情淡攜將琴鶴共圖史遙巡卜築丹

矣

楓岸青鞚布襪願已足巖阿遯迹甘樗散我聞君言頓  
覺悟猶如醍醐頂上灌栖遲嶺外究奚補叨竊浮榮媿  
竽濫方今皖北靖烽火君家熙湖好激澹可憐吾廬三  
徑荒身似白鷗凌浩瀚煙霞深處許結鄰莫教塵網終  
羈絆與君握手怕言別蒿目時艱動嗟惋中興將相大  
有人廓清宇宙平患難我輩逍遙閒歲月屏卻騁從騎  
歇段寸長尺短當自揣力小任重見何暗書生本色異  
流俗坐聽雄談忘日旰劇愁蛙蚓雜凡響予以批  
稿就正快觀

龍蛇飛健腕

君於舟中日書盈帖

春明舊夢杳難續彈指光陰鬢

毛換知交眷戀出天性且拚放飲樽無算統統伐鼓催

別離星斗蒼茫轉河漢祝君輕帆下湘澧三楚雲山供

飽看司空

山

名含笑逐歸來詩囊壓肩光璀璨他年拄杖

叩柴荆醉倒花間青玉案

自嘲

昔我在長安十日九出門歸家每夜半爐火寒不溫乘  
醉入睡鄉窗外明朝暎瞢騰已向午客來驚夢魂飯罷  
促命駕六街車馬喧春秋良會多友朋互開樽債帥彌  
豪雄酒徒云實繁遑屑謀米鹽未肯察雞豚天憐不材

木雨露加殊恩駕駒策馳驅北轍俄南轍方期振頽廢  
藉可除囂煩豈知衙齋內逼仄如籠樊藤蘿幕前楹屏  
障蔽後軒童稚儼趨墟歌呼達晨昏差幸案牘稀抱鄒  
容嘵嘵因之益疏慵枯坐成鈍根閉關爛讀書欲窺誰  
氏園糟邱久睽隔襟上淡酒痕忽忽三中秋歲月同電  
奔故人偶一至快作渴驥吞客去便停杯直等磨兜鞬  
繞郭富山川想像圖經存兩水流似箭萬峯環若冕游  
興那敢發爪印徒留痕束縛仕宦途毋乃瓶觴簷依戀  
名利場猶然蠶處裨帝鄉日以遠炎荒浩無垠大厦需  
棟梁構櫟安足論何時弄扁舟一訪桃花源

秋窗雜感十首

連番夜雨稻花稠  
嶺外農夫樂歲謳  
揮汗不知逾末伏  
迎涼還待閏中秋  
長空雁陣何時到  
小院蟬聲竟日幽  
聞說故鄉禾大熟  
可容歸去駕扁舟

編籬種菊草堂中猶憶行吟地半弓今日論文無一字

予少作制藝試帖各數百首於

甲寅夏間僑寓平阿時盡失去

逸齋子春

昔年校士得三忠

外復有葉辰生名維藩以湖南知縣去年在處州本籍殉難亦丁未門生漫云刺繡金鍼巧

卻信量才玉尺公門下門生也持節灌嬰城內氣如虹

薛淮生侍御典試江西  
淮生爲逸齋門下士

使星高耀曲江隈

粵東兩主試賀雲  
玉麓皆予昔日同臺友

快覩雙旌遠

道來欲採珊瑚向南海  
敢忘鷺鷥共西臺  
停舟客久三年別  
返棹樽遲九日開  
聚首天涯緣不淺  
蓬窗茗話故低徊

北望燕雲感慨生  
音書迢遞劇關情  
文章合嗣陳同甫  
勳業交推宋廣平  
賴有計謨能報國  
那堪寰海未銷兵  
駕駘戀棧心仍壯  
躡躅風前試一鳴

紛紛棋局詫翻新  
華轂朱輪迹已陳  
得馬果然非是福  
好龍且莫信爲真  
風多驟減柔榆蔭  
霜重偏滋竹箭筠  
袍笏散場渾似戲  
道旁野老話酸辛  
菀枯隨境判炎涼  
力挽頽波在激揚  
誰道虛盈仍撲滿

本無枘鑿自通方坦懷難敵心機險利口都憑舌劍剛  
彈指剝那驚夢覺仙人猶怕熟黃粱

沈沈魚鑰簿書閒倦倚胡牀得句慳爽氣瀟洞三面水  
清光繚繞四圍山寄身漁唱樵歌裏著我芒鞋竹杖間  
解識逍遙莊叟趣羨他巢畔鳥飛還

軒窗點綴亦清華壓架藤蔭赤日遮蘭蕙香生空谷草  
芙蓉紅放出簷花胸中臺榭憑虛造頂上峯巒入望睞  
署之西偏有土阜可以眺遠予欲築屋其上未果  
安得小園駐秋色擁衾夢想  
野人家

四十年前總角時綠雲黃雪繫人思分來月窟高寒品

散作天香庭院吹百鵠堂空秋寂寥半園花謝草離離  
而今落實炎荒地桂嶺何曾見一枝

爛漫西風錦障邊阿婆垂老尙嫣然化工顛倒人間世  
變態迷離色界天不謂浮榮歸小草要留晚景樂衰年  
莫愁湖上秋如畫記取扶筇再到緣

秋陰

暝色四山重蒼然秋氣深無風偏淡沱不雨亦蕭森慣  
起征人恨應灰熱客心脅騰如中酒怕聽草蟲吟

鄭小谷比部獻甫有火輪船行戲和其韻

波濤儼作陸地驅人力奚假篙工呼笑他局促轍下駒

手足推挽輪維蒲是何靈巧舟而車水火旣濟資洪爐  
黑雲直向蒼穹噓閒機鼓盪中咷咷經歷渤海猶通塗  
卻走鼉龍驚蛟魚花旗鬼國紅毛奴履險如夷不惜驅  
曰趙音曰趙音匪曰趙十洲三島歌恂盱詩作恂盱  
來賓上國尊天樞帆檣壓倒萬軸轍拙哉空守占風鳥  
休論赤雀偕青鳬彥恢飛虎制尙殊遐邇一體海禁疏  
狂濶頓息烽燧無金船瑞應還呈圖

治谿故里吟

有序

嗚呼八載離鄉已是滄桑小劫三秋入粵可能  
松菊猶存歎蹤跡之萍飄悵功名之匏繫欲歸

不得故園成瓦礫之場垂老無家何處覓釣遊  
之所雖復竹林棠棣三十口官解團圈敢忘比  
屋連甍二百年祖宗締造當此樓臺灰燼泉石  
榛蕪烽火彌天干戈匝地身縱羈夫嶺外夢屢  
到夫淮南乃自皖口烟銷肥津師捷喜濠梁之  
激淡魚樂堪尋念治水之沸騰鴻飛未輯茫茫  
宦海窺畔岸而奚從鬱鬱瘴雲望家山而不見  
爰拈短韻曲寫愁心溯盛時豐樂之休動異域  
栖遲之感須識紫椿叢桂皆先世堂名延茲七葉清  
芬尙期返璧還珠遂我半生夙願云爾

鑄鐵鎔金事有無傳聞故老定非誣曲陽古治今雄鎮

漫把南爐較北爐

吾鄉爲北爐橋爐塘寺爲南爐橋相傳皆魏武鑄軍器地

鱗鱗千畝傍肥河清洛西流卅里多豈止壽州街接壤

遠鄰保信近平阿

牽車服賈度閭關鈴鐸郎當三里灣除卻水鄉平似砥  
眼前突兀舜耕山

海陽聚族鄆源地三十三都舊有村白嶽雨中真入畫

飄零無復雪泥痕

先大夫曾至鄆源省墓歸倩施丈墨癡繪雨中望白嶽圖今已不存

清白家風六代傳渡江卜築慶綿延泮芹化出科名草

瑞兆佳城十里邊

北堂種德毓孫枝想見津門獻賦時苦節冰霜天不負  
筠心兩字表崇祠

先公罷郡滯餘杭奉母歸依大父傍記得一燈親課讀  
開顏珍重出青箱

說史談經骨相癰含飴鄰下樂喁喁九河一賦波濶闊  
予少作禹疏九河賦  
先大父甚賞之畢竟還堪覆瓿無

玉關生入喜何如恬退甘爲林下居鵠髮婆娑雁行肅  
芝蘭吐秀滿庭除

柳骨顏筋腕底分研池鎮日長烟雲先大夫有滌研圖小照今亦不存

媿子無筆傳家學孤負芸窗指授勤

師表人倫里閈尊胸懷坦白性情敦趨庭片語終身繹  
力屏浮華篤本根

阿叔愛儂如愛兒琢磨許到鳳凰池

三叔父謀子詩文卽今雙

鬢消磨日難忘垂髫問字時

濃淡清奇細討論無私化雨沐深恩

予制舉業受益於

多殘箋牘歸何處

當年所筆削文

子陽斷梅花山畔村  
叔祖采卿公居

瞻榆望杏向平梁

先大夫與諸叔父在

盧郡公置筠心堂祭田

欲仿吳中范

氏莊莫謂前賢難接武今人亦自有晁

六安張華亭

接寵迎神祀天地炷香默禱矢虔誠尊卑嫾習元辰禮  
家廟返來天未明

清明冬至典交崇華胄遙遙元老公少小青衿司祝版  
也能朗朗達神聰

年年除夕架松盆肅拜堂前笑語溫六簋家風仍不改  
二更守歲便封門

迢遞瀧岡展孝思每逢佳節益淒其龍鍾祭墓人猶健  
幾輩兒童策馬隨

歲時酬酢往來繁婚嫁依然古禮存門內雜賓知最少  
家人父子樂晨昏

中饋羹湯手自調機聲軋軋到寒宵庭幃慈儉垂型久  
每飯恆思陋巷瓢吾家自先曾祖母每日以粥飯之餘施乞丐數十年遵行不改云

博士龍眠奉女宗

謂桐城女  
師吳先生

深閨展卷習雍容書聲忽

地琴聲和窗外蟾輝分外濃

渾堅樸素立規模養拙唯期守敝廬

舊居廳西小  
軒額曰養拙底事

瓊瑤炫珍異斑斕獨愛古錦于

漫同阮氏分南北休戚相關儼一家

先世十房  
東南分居澤底岡

頭洵鼎盛銅盤會食不須誇

蘿蔥煙靄荷塘畔老圃經營十幾秋

豫圃爲  
所築其後  
先大父  
八叔

父居之拳石盆花自料理登臨不用杖扶鳩

令名恰稱陶嘉月迤邐房櫺曲沼隈好景教人忘不得

繡毬如雪傍檐開

愛竹山房瀉正花倚雲軒內綠陰斜夕陽雨過登高看  
天外一峯橫鏤鉤

池心亭子榜新辛樓角花枝簇簇勻四面爲嫌山色遠  
嵌空平地起崚嶒

甲第紛如列戟排編茅別艸讀書齋海棠爛漫春風後  
月寫孤松影上階

臺榭玲瓏數望園

四叔父所居

紅牙低唱夜開樽出門乘醉

歸猶嬾且去敲棋柏蔭軒

子祥子健兩弟書室

花意都隨笑口開朱朱白白鬪重臺半圍擊鉢聯吟日

惆悵玉堂人未回

烟波渺渺集帆檣  
滙入淮流匝練長  
一夜五橋春水漫  
驚絲飛到月牙塘

高田下隰綠油油  
塘壩雖多旱尙愁  
兩季午秋需雨澤  
老農都說望天收

田將牛計休論種吾鄉田百畝則日一具牛  
佃倩人耕只問租大戶

村莊難考核入倉升斗儘模糊

莊收麥子隔年陳  
老米偏呼稻粒新  
粥飯三餐兼餅餌  
縱然鮓菜也調勻

蒸和菽乳配晶鹽  
芥子葫蘆不用添

吾家居南街者以市醬得名其秋油可匹

江醋自古八珍推是主  
玫瑰羞說富家甜

麥黃豆綠均堪釀  
梅戰分曹酒國降誰道五香

酒名供賴

飽白波終不敵封缸

飛羅密繆白於霜牢九堆盤內貫湯羨煞如酥寒具薄  
陶家製作最精良

白魚入饌嫩於鯽紫蟹紅蝦伴玉卮更有麪條殊脆滑  
冰鮮北地漫稱奇

離雞乳鳴都名筍到口渾疑玉版鮮一嚙愛佗圓若葢

猪尾肥美不亞  
於金華火肉

老饕相對欲流涎

不似江瑤圓柱擣卻侔花蛤要薑烹蠻珠本入天家賣  
漁父如何喚作螺

新摘馬蘭甘類薺筠筐甜菜

即枸杞

賣長街廚嬈秋末饒

風韻滿架垂垂紅繡鞋

扁豆

名

似開番舶愛金鍼

菜馬齒

叢生石磴陰早韭晚菘齊減

味擔來霜裏菊花心

菜

靚客頻婆貌不同芬馨遠過麝香紅

形大如李俗名曰柏由青而黃而紅

其味皆美憐渠未入詩人詠埋沒鍾離片壞中

徽歙龍孫裏凍芽六安栗子霍山茶丹砂萬顆

石榴淮濱

熟親串分投酒興加

方家舉止忌騎矜雀鼠囂凌患不勝老輩漸稀英俊出

籠中慣愛養饑廬

不把鋤犁佩劍刀衣冠習染競奢豪海圓變作雙蝴蝶  
皆鞋·怕著前人布套袍

綺羅叢裏寄閒身角勝邀來座上賓挑選蟲兵籠蟋蟀  
安排禽戲鬪鵠鶴

斷章取義鄭都官永日能消興詎闌從此歡娛爭卜夜  
漫云學到少陵難

朱家郭解人推重已伏兵機歌舞場一片魚鱗寒似雪  
春燈影裏護紅妝

姑息因循可奈何無端蠻觸起風波四門帥主分雄長  
不是當年安樂窩

持籌握算劇艱辛孤立何曾德有鄰一自皖江馳羽檄  
虎狼權當保家人

倉黃團練息咆哮涇渭由來本溷淆差幸同心防外患  
寇氛纔退卽鳴鑣

釀酒椎牛戶戶忙禿襟短裏太猖狂意園鐵君叔父別業花木

含愁甚蠟屐無人三徑荒

清淮樓下擁貔貅百里衝寒虎帳投兩度留兵衛桑梓

書生豈爲室家謀

泉刀散盡總無厭蠶食鯨吞礪已占碧血橫流等笛浦

滿腔愁緒萬重添

南北諸軍壁上觀老師糜餉共偷安雄才半入蓮花幕  
傲骨羞將劍鋸彈

暮春惜別乍歎欷迢遞燕雲何日歸此際辭鄉成永訣

弟兄無奈跨征駢

乙卯春予與  
九弟同北上

金臺翹首矚南天故里風光客思牽巢破亂鴉飛不定  
一回書到一潸然

物腐蟲生信有之試看天道悟盈虧青松繫馬桐遭爨  
那及荒郊衛足葵

文字無靈骨董灾盜非有道令人哀探囊胠篋尋常事

萬卷圖書付劫灰

人世循環春夢婆嚴寒終自轉陽和佛天因果儒生理  
恩怨朦朧一任他

草茅義烈振乾坤雨露恩施下九闕多少忠魂尚湮沒

表揚風化仗臺垣

王子懷待郎採訪吾皖士民婦女殉難者共三千餘人俾予與吳質菴林遠村兩侍御聯銜入告蒙

恩議卹嗣吾鄉續經殉難者又不乏人是所望於臺中諸君子隨時奏聞毋令久而就

澤也

書來滬瀆快開函浩渺重陽穩挂帆流寓他鄉終計左

好尋大蜀

山名賦長鏡

子祥昨有書來已由上海返興化予甚望其歸隨州並可探吾鄉消息

息

僦宅樓桑近日邊

友蘭兄全家居涿

吾宗孝友獨稱賢伶仃異

地同齊贊

十弟尙在山  
左依其岳家

未敢輕登泛海船

半百光陰荏苒過時艱無補忽蹉跎白頭貢叔相思否  
獨向西湖理釣蓑

聞閔丈獻  
之居潁州

幻影泡光感不禁閒中屈指去來今淮山淮水都無恙  
可許他年拄杖吟

夢園歌

夢園夢境非模糊我尙學畫猶能圖一夢再夢夢不已  
歷十數載若合符屢初惝恍雜疑信久乃熟徑爭先趨  
其園大可八九畝高下起伏相繚紆長廊曲榭倚坡澗  
疏花密竹交槐榆丹黃紫翠間金碧著色儼勝雲林迂

玲瓏映帶極天趣左顧右盼空睢盱中有舫齋跨池沼  
想見萬柄香芙蓉綠紗灑漾水精城洞房深處懸金鑄  
雙環風過露微罅日光射出紅瓊瑜臺觀壯麗十倍此  
鴻溝割斷胡爲乎似聞人語甚了了一園久已判兩區  
此園彼園各無主勝地留待神仙徒我方詰問夢忽醒  
身在丹鳳城南隅偶然夢幻那堪說誰知此夢無時無  
春來秋去暗牽引明年不與今年殊有時人園我爲主  
趣召巧匠延公輸某亭宜修某泉濬刪削某樹添新株  
鳩工未完頓言別悔不長臥停蹕烏午年夢起酉年斷  
還鄉趾離難與俱倉山博山訪白石吳中拙政園歸吳

載游寒碧

山莊  
名

拓眼界乘興直到西子湖湖上名園半

蕪沒湖心老梅清且癯久傳海山闕仙館

探驪快得珠

江珠袖海一樓更叫絕琉璃世界規蓬壺名園真境比

夢好逡尋再作邯鄲盧重溫舊夢向京洛荏苒六載辭

皇都韶陽浪稱廿四景

都中友人謂署中有園其景廿四真勝語也

我來

滿目皆荒蕪園林無福足消受卻喜夢境還不孤茲園

茲夢古未有南柯枕上分榮枯豈如我園卽我夢底事

辛苦爲花奴石家金谷委榛莽平泉綠野供樵蘇造化

小兒拍手笑大興土木毋乃愚我園奚假我自築以園

爲夢形神娛一年幾回夢中到不離不卽參浮屠鏡花

水月大自在遊行莫被紅塵拘古今擾攘本如夢作歌  
從此園屬吾

夢園詩成是夜卽夢至園再以小詩紀之時閏八  
月十一日也

夢中與客同敲韻因夢入園如在家今日夢園天氣好  
閒開松逕品新茶

高軒五架綠陰陰屈曲虬枝一望深旁有頑奴忽饒舌  
箇中結構學獅林

有感

滇池兵未洗構釁到秦中患等唐回紇人無郭令公干

戈連豫蜀壁壘震嶠潼太息師還楚將軍  
嫩跨馳江右走羣寇皖南堅設防如何桑梓地輕入虎狼鄉  
生死安危繫忠貞利害忘報施疑或爽我欲叩穹蒼

勦撫兩難決平時怨毒深藉端成禍首結黨亂軍心姑  
息遂如此囂凌豈自今帡幪無異視大地盡黎黔

東南方帶甲西北又鳴鼙戰馬都空廐屋烏誰定栖輪  
臺千部落關塞一丸泥遙想邊城角霜天午夜淒

寄懷宋雪飄同年

時奉命  
總督倉場

蟋蟀聲中別緒牽三秋惆悵嶺南天往來魚雁七千里  
上下雲龍二十年炎嶠此時分宦轍京華曩目逐吟鞭

故人落落今餘幾兩度苔岑信夙緣

歐公門下

謂陳文忠師

許追陪

一見心知大雅材絲竹平泉

妙歌舞鶯花杜曲好樓臺興來風月休論價思入烟霞  
不染埃薄海雍熙調玉燭蓬壺仙侶快銜杯

曾作諸侯座上賓芸窗磨礪出風塵交遊日下齊傾蓋  
文字江東老斲輪莫漫悲秋怨搖落自然摘豔露清新  
爭看詞賦傳家學梅解衝寒杏開春

江湖騰沸海雲紅都入憂時感慨中抗疏動關天下計  
立朝猶見古人風大梁持節收榛楓三輔籌防集雁鴻  
不媿冬官操右轄敷陳十事矢孤忠

聞道輶旌下潞河劇愁轉漕阻鯨波陳紅粟積倉儲滿  
鄭白渠開水利多

聞現議興畿輔水利惟盼江鄉平戰壘早安農

業迓天和遙知珠浦扁舟泛定有新詩倚棹歌

聞現議興畿輔水利惟盼江鄉平戰壘早安農

記得春明聚首時勞勞車馬不辭疲花天每忘重城隔  
酒國從無十日離紝上月明眠傍石香邊風定醉臨池  
那堪韻事全銷歇獨向蓉山唱竹枝

長安冠蓋數平生太息寒暄世俗情只有熱腸無厚薄  
何曾冷眼不分明如君肫摯兼師友待我纏綿儼弟兄  
肝膽照人城府闢久要珍重歲寒盟

人海升沈閱歷經昔年舊雨半飄零不材翻羨社旁櫟

易散竟同波面萍拳石縱橫成磊塊寸田寬坦化畦町  
榮枯豈盡由天定一枕邯鄲夢遠醒

吳越溟黔患未消如何秦隴又鳴刁氛連豫蜀貪狼熾  
秋入嶠函戰馬騎但使寰中息兵革徑須世外侶漁樵  
淒涼同起無家歎憑仗音書慰寂寥

界連江楚此雄關繞郭層嵐共碧灣二水交流如燕剪  
萬峯濃簇似螺鬟竭來躡躅紫微洞猶憶迴翔青瑣班  
巴曲不須慙寡和陽春飛到一開顏

題畫戲作

博得紅顏笑白頭半生轆轤幾時休未能天上升雞犬

且向塵中作馬牛，竭蹶敢辭兒女累。馳驅總爲室家謀，何如脫屣妻孥去，一任雲車汗漫遊。

偶成

至治交推元祐年，女中堯舜任諸賢。溫公再相開言路，潞國遐齡侍講筵。君子若除門戶見，僉壬難竊廟堂權。後來章蔡紛紛進智矣，安民燭事先。

旬輸月送困租徭，更欲龍團致富餧。稅外橫征唐白薯，民間出息宋青苗。

叢殘課藁文章厄

明以諸生課藁造鈔儲滿瓊

林庫名唐德宗士卒揭赤仄不行，鷺眼混當三折二。亦無聊

寄懷陳小舫同年

銷夏灣頭醉夕曛五茸城外踏橫雲優游已分山中臥  
顧盼仍空冀北羣課子甘棠隨地種謂歸嗣  
子奉匡時諫草  
避人焚齊年多少青驄甲辰同年入臺諫者最多晚入蘭臺獨讓

君

霜簡無私氣骨遒班心突兀異時流達聰要在能兼聽  
強項真堪出一頭弗以虛文滋粉飾全憑實學獻嘉謀  
相思爲問窗前竹雨葉風相似昔不山東道署  
窗外有竹

是非利鈍劇分明成法云何遽變更未必臨民如應敵  
可能招勇便裁兵絃歌化本詩書醸節制師由訓練精  
馬上功名容易得村氓佩劍少人耕

離索經年嶺外孤故人天上自清臞翛閒靜室占壬否  
君精於寂寞空園點卯無茶園不演劇未六壬知尚點卯否羨爾和鳴繼威鳳笑余局促等轅駒閉門覓句家風慣好付郵筒遠唱喟

哭陸眉生給諫

卒於河南軍中

太息黃門侶天胡厄此才無家返禾水

嘉興久爲城據

泉臺

君丁內艱尚未除服嶺外音書杳軍中鼓角哀可憐投筆誤

策馬大梁來

遙想同游者臨歧慘不歡陸機偕赴洛李固獨除官子

甫奉命和觀察吳中悲喜一時集存亡兩地難伶仃小兒女迢遞

在長安

君之媼屬  
仍在都中

滄海騰波日 形廷抗疏年  
肫誠肝膽露 穩直性情聯  
未遂匡時志 空留諫草傳  
招魂何處所 吳越尙烽烟  
磊落昂藏氣 消磨酒國中  
只拚花下醉 那顧杖頭空金  
縷歌聲盡銀燈 拂戰雄繁華  
隨逝水過眼惜忽忽

侍郎徇古道 身後與揚名

煦初侍郎奏請優  
郵得旨俞允時事艱如

此儒臣死亦榮 日邊丹詔降  
天上玉樓成知否 南荒客臨風淚久傾

重九日登九成臺

時議重修  
甫興工

薰琴譜出五絃歌能使蠻荒鼓太和留得崇臺鎮南紀

更誰健筆繼東坡元音欲叩山中石寒信初平檻外波  
莫爲茱萸增感慨好尋斷碣闢藤蘿

小春病起漫賦四首

我年將半百屢遭病魔擾去歲夏五月煩憂鬱襟抱火  
水象未濟其勢等原燎胸中填硯方寸胡隘湫死生  
呼吸間聞聲尚了了清涼沁肺腑淳然起禾秒頓獲再  
生機及此薄茶蓼心境罕疏通久仍障虛晶病根伏諸  
內一發殊悍慄

今秋偶感寒痼疾已牽引中焦苦淡悶見右軍初月外帖淡吉疚字外露爲癰胗如何事姑息除惡弗務盡攻伐恐太過因循

且舍忍玉池日泛溢噫氣滿虛牝逐邪邪轉盛閉門自  
矛盾天君失所司醫惓吁可憫

治病同治寇遷延亂易滋釀成心腹患內訌彌不支忧  
疑征戰場甲馬紛交馳決裂在須臾自分將顛危家人  
繞牀呼淚下如綆靡厯厯身後事握手長歎欷來去兩  
分明差信中無欺君恩與祖德圖報嗟何時靈臺一隙  
光孰爲潛護持異哉藥半丸強於十萬師至初六日氣  
十月月初五夜

閉瘻阻較去年更劇幸  
服牛黃丸轉危爲安

去年病退時未遑善其後今冬禍更烈疏防誰之咎要  
憑盪滌功一去腸胃垢清濁互升降營衛善保守起居

謹吾身飲食節吾口淡定屏萬慮神明乃悠久須知安  
心藥卽是掃愁帚作詩絕病魔二監棄我走

戲爲張星齋題畫

嗚呼車中少婦鞭在手車下老人繩繫足琴囊書卷富  
行窩癡兒嬌女顏如玉一家安樂坐車中駕車乃是頭  
白翁紅塵鹿鹿事奔走呼牛呼馬將母同不管黃奴吠  
不顧鶗哥喚借問何時始息肩妻孥累我長羈紲笑他  
舉步忽回頭眼看兩甕酒新築願兒暫停記里鼓花間  
醉倒渾忘愁

詠蟹

客從章江來餉我八十螯一一列瓦盆擁劍如分曹  
秋斷此味把盞空牢騷海濱含黃伯何足贅老饕

海蟹大而

鮮龐然詡博帶盈筐紅玉膏終雜蛟龍腥虎蠍徒稱豪

曷若產稻鄉嘉品勝蝤蛑迢迢皖水邊

蟹自望江縣至側聞田

可殽孰穂許橫行甲士紛垂橐漁翁守霜齋夜半橫輕  
舠相將撥棹至宛似輸芒勞琳琅數圓珍鮮腴下香膠  
配以荔枝釀小飲先醞酌矧我病初起口福乃溢叨藉  
此理經絡腸胃都汰淘

蟹能清食治胃氣理

經絡見食療本草

更欣兩美

具滿甕淮南糟

更有以醉蟹見貽者

鄉味破鬪愁價比尊鱸高一

餅換雙臍

聞韶州往年以番銀一餅始購得兩蟹近則久不至矣

蟹師名寵裹三

泖雖未嘗菊天懷雉皋

如皋蟹亦至美爽國錫榮封曹邱擁節

旄漫誇海鏡奇泛濫隨銀濤

煦初少宗伯寄七古一章次韻奉答

寰中何日洗兵馬露布滿野飛捷書滇黔吳越盡掃盪  
嶠函巴蜀春風蘇豫州永除腹心患聲威廣播天四隅  
儒臣立功在桑梓勵業豈與韓范殊文經武緯果一貫  
超軼行輩詞非腴嗟我嶺表空佩符光陰倏忽雙輪驅  
藍山餘孽尙伏莽採丸白晝披短襦千夫坐守耗泉幣  
視爲疥癬其然乎高涼屯兵歲月久度支告匱虛無儲  
挹彼注茲計雖得目前遑勿扶似聞疏通到鹽筴

東遙章貢西湘湖保全大局化畛域眾峯響應登高呼

頤臘立 部州義倉

憲民母

外臺刷慙渺建白聊勸積粟安窮閭

湘江書院自去

獨於軍旅

使愛博塞會文講學鄰不孤

年重舉行月課

讓驥足竟爾戀棲

昧步伐未容越俎姑徐徐騰驤磊落讓驥足竟爾戀棲

忘疲驚羨君慷慨出天性指揮鐵騎彎夾與偶然歌嘯  
亦雄傑宛畫神駿追江都中興取士用儒術祭遵軍帳  
仍投壺

附原作

嶺南東道觀察使寄我一紙平安書上言友朋

久離別下言民困何時蘇江表連營逾千里愧

饑乃仰海之隅道財賦支天下有唐韓滉今  
何殊與君投分非一日胡乃爲詩相貢諛憶昨  
銜命腰兵符卽來譙宋爭馳驅百戰豈敢詑  
功伐但有蟻蝨生衣襦廡下無金賞無物背後  
有節胡爲乎祿粟桑椹豈易得誰作祇浩謀軍  
儲吾黨數子當世傑誓以古義相匡扶杏農西  
去戰河洛子和南邁游江湖已矣眉生不可作  
風雨深夜聞三呼高臥春湖堅不出閉關養母  
依鄉閭邈然有如雲霧集塊然忽若晨星孤昨  
夜譖者報賊遁我軍早晚空淮徐漠北名王號

難敵驂斬自忘才力驚 堯舜垂裳百靈祐河

清海晏看雲更不俟罷兵返臺閣君亦述職趨  
皇都相撝更就紫藤下脫帽解綬傾樽壺

舟中卽景

四山鬱如蒸一水淨無滓高空雲羃羃平灘石齒齒俯  
仰極清曠泛泛差可喜殘冬雨氣濕榕陰翠新洗羨爾  
江畔居信知邱壑美

曲江櫂歌

太平橋下浪潺潺遇仙橋下水彎彎東西交匯沙洲尾  
打鼓揚帆何日閒

韶石高於帽子峯清波不似墨江濃  
詩人要識曹溪味去聽南華寺裏鐘

順風順水盪舟行斷續稀聞來到聲舟中持篙者皆呼曰來到迢遞  
韶關千里路三朝便達五羊城

連番暴雨漲平灘萬斛山泉瀉急湍昌樂瀧邊無此樂

瓜皮穩泛浪花寬

烽烟見說阻吳趨可有飛來釜內珠

見王定國清虛雜著五渡三

楓遊客少而今番舶滿江湖

河西船纔泊又河頭

亦船名

紫洞艤開尊唱粵謳千古膩

絃誰嗣響九成臺下水空流

得李申甫觀察

摺

書感賦

金陵久未下疫癟困王師如何負嵎獸鋌走江之濱

九

州之城北陷聊舍山巢縣三城復淪陷飛檄龍山馳旁觀旱歎嗟

誤矣一著棋制勝在勿貪先固其籬籬藐茲彈丸地亡

羊悔莫追付託苟非人孟浪如庸醫病根迄未除潰裂

成瘡痍壯哉李將軍談笑旌旗麾訓練五千人一一皆

虎貔先當取巢湖懦須自不支皖北旣肅清東下乃可

期捷音書再至爲譜餽歌詞

家餕賓在平圃以麋爲鹿以豹爲虎口占一律嘲

之

仙客原難匹山君更不倫弄鼙今日誤竊豹幾時真赤吏皆皮相金錢此化身模糊蕉下夢翻道遇班寅

郊外偶成

一天暝色壓峯低雲氣黏空複嶂迷忽地篜工都戴笠雨珠噴下石狻猊

城西北有石獅山

幾日春歸曬已殘篷窗高挂不知寒曲紅曲曲清如此

水經曲江

合與芙蓉

南康芙蓉昔號曲紅江最清淺

一例看

歲暮漫興

塵中萬馬共銜韁迎得青郊義駄歸

是月十七日立春

老態忽

增緣善病名心已淡漸知非

予明年四十九

幽人林鷗藏精舍

漁父滄江臥釣磯底事蹉跎駒過隙卻教戈讓魯陽揮  
三年持節嶺南東報國曾無尺寸功讀易亭邊衰草自  
收民山畔瘴雲紅徑須闢墾安游惰自爾綏柔息戰功  
日耗泉刀招戍卒依然榛棘莽成叢

辛苦戎行競裏遭中原羣盜起烽烟漏殘銀箭猶磨盾  
雪滿雕鞍尙控弦淒切寒砧心欲碎飛馳露布眼將穿  
犢牛賣盡橫刀劍太息軍興又幾年

茫茫宦海等浮沤恬退人高兩白頭謂李夢山海峯二觀察爲愛  
烟霞歸紫閣甘拋簪組返黃樓天涯空有冥鴻慕塞上  
何嘗失馬憂如許風波雄颶母羨他雲水駕扁舟

二  
無限繁華羯鼓催耐寒獨數隴頭梅郭郎富貴攀援出  
骰子功名拾取來休怨蓬蒿埋戶牖爭看桃李豔輿臺  
倡條冶葉須臾景一霎濃霜翠作堆

喚醒人間春夢婆朱門歲月半銷磨由來覆雨翻雲易  
偏是絲恩髮怨多端彥三同終類否深源萬拜究如何  
逢迎冠蓋分明甚夜獵新聞醉尉訶

頗怪劉伶諷二豪沈酣酒國託名高船行上水持篙臨  
車走危崖按轡牢養晦最宜山隱豹附塗誰遣木升猿  
窮通遇合皆天定出卜何須握栗勞

破除機械斂鋒鎧卽此深求克治方漫道返觀心若鏡

要令忍事腹如囊迂拘畢竟憐書蠹變化奚能敵智蟋  
過客光陰渾不管澹懷物我兩相忘

關河東望道途淹悵觸鄉愁別緒添凍雀爭枝冰壓樹  
疲驢轉磨月垂檐禦冬寒菜菘心嫩餞歲村沽酒味甜  
今日華堂餘瓦礫可容歸去學陶潛

花幡不上老人身惆悵虛添甲子新失意鍾馗長冷落  
歲除獻鍾馗擊鬼圖見錢似傳得時荼壘亦精神迴思燕市乘馳日難忘唐宮賜綵辰明歲銀河應洗甲試呼如願莫嫌頻

聞友人說杭州事紀之以詩

孝廉乃作賊甘與黃巢伍悍然背聖賢爪牙附狼虎科

名若草芥王侯吾自取餘杭山水區流毒抑何苦城中  
興匠役摵括到佛土淨慈及三竺鞭撻縱斤斧松柏棟  
梁器移作殿庭柱莊嚴壞法相金剛目空努慢神而虐  
民罔顧彼蒼怒自言起兵來所向莫予侮心雖厭逐鹿  
勢已成騎虎幾曾割鴻溝聊爾奮螳斧空山戴笠人聞  
言淚如雨姑息非一朝蟲蠹物先腐糜餉十年餘斬馘  
難悉數我兵不見寇安坐曳華組忠烈半死綏闢孽虛  
募補方今朝政肅有材萃南楚書生擁節旄經緯貫文  
武遂安新克捷王師漸采阻吳山計日登助業在此舉  
雪夜入蔡州乘勝氣直鼓獅象助威靈旦夕當破虜重

修湖上寺花柳春風吐斯時莽孝廉堪笑同首鼠

哀王孫

嗚呼衣冠罵賊賊不殺一片丹心傳筆札忍死須臾保  
桑梓義膽忠肝自披豁正氣直欲師文山錢洪草間笑  
偷活太息城亡未卽亡堅守此心那可奪孤臣身在心  
已死天地鬼神暗相察哀哉王孫疇與倫李方伯後唯  
斯人水晶宮裏一片石道場金蓋爭嶙峋孤兒殉父湘  
江濱鬢齡死孝全天真魂兮有靈歸侍父父子殺身皆

成仁

珠江怨

郎如萍泛水妾如花墮溷相見輒相憐兩情深纏總憶  
郎初到日蕭然囊橐空勸郎勿浪遊歡娛圖始終開我  
翠雲箱脫我黃金釧朱提束郎簪紅巾蓋妾面百年侍  
巾櫛一夕綺絲蘿石黛看新畫木魚羞再歌爲郎理行  
裝蓮花峯下去明年打漿迎記取閉樓處自郎出門後  
冷落四條絃靜對珠江月思量人共圓月圓恒有期人  
去不復返終歲屏鉛華腰肢都瘦損決計尋郎去分離  
姊妹花郵程九百里已覺是天涯入門頓心驚大婦中  
堂坐窈窕雪衣娘從此雕籠鎖低聲問侍婢年時甫結  
縷幕外翻飛燕河東怒吼獅牽衣向郎哭郎言妾自誤

隄畔野鴛鴦糟糠雖比數妾言郎旣悔願郎放妾歸不  
恨郎賣妾只恨妾無知大婦聞妾言道妾歸不得驅逐  
向空房五更淚猶拭天明見郎出冠履鮮且華是妾纏  
頭資助爾來參衙黃昏見郎回凝眸悄無語齊眉已有  
人抱衾奚用汝淒涼簷廡下暮暮又朝朝含悲不成夢  
聽雨可憐宵妾心原太癡妾命胡太薄一盞阿芙蓉作  
儂銷愁藥銷愁愁永斷薄倖竟逢郎除卻情絲縛隨風  
到北邙

山茶

絳宵液雨春氣回封姨擎出赤玉杯花天富貴傲冰雪

枝頭爛漫茶梅開笑渠杏臙和桃顚飄零頃刻殘霞堆  
海紅吐豔異凡品丹砂久鍊成胚胎韶陽地暝雁稀來  
披裘汗下喧蚊雷摩挲鶴頂覓仙訣欄邊日踏青莓苔  
偶逢豪客真快哉鬢霜不管流光催佛桑遙此好顏色  
東坡兒女殊嘲詆故園倏已生蒿萊一株記否盆中栽  
胭脂薄染有姿韻小窗人醉葡萄醅

水仙

璇宮夜降梁玉清乘風游戲湘江濱仙乎仙乎迴離塵  
和氣旁薄冬如春黃中秀外生芬馨妝束女史煩花神  
雲鬟霧鬟此化身儼然羅襪凌波人儼蘭或作九畹鄰

蓮花小樣曾翻新翩翩綠帶微含嚙哥瓷水淺石粼粼  
羅列金盞銀臺珍丰姿淡冶殊絕倫梅兄攀弟山谷評  
不若菊婢堪同盟歲寒汝乃妝閣賓

甘蔗

凡實皆先華唯茲獨異絕非草亦非木挺然堅多節種  
之每成田不在葭菼列厥味含土膏稼穡差可埒笑彼  
釀蜜蜂辛苦日採擷何如徑寸甘消我胸內熱佳境直  
至老咀嚼中邊徹調和用彌廣大官恣餌啜沙飴紅若  
霜冷錫白於雪嗜好酸鹹殊入口盡愉悅漢家郊祀歌  
特重泰尊設汾陽廿條賜戎行豔稱說洵爲果蓏冠庶

生此其傑

殘臘書懷次東坡食檳榔韻

入春已經旬微雨潤礎披綿汗時下氣候亂寒暑山  
雲釜中氣蓬勃勢莫禦釀爲天瓢漿瀉地如膏乳甕爐  
思北地開樽酒新煮重裘尙呵凍風雪漫相阻敲門見  
唐花几案芬馨吐對之浮大白酣樂何所苦一別千餘  
日雙峯蹙眉嫵年年泛海至羨爾雞林賈蹉跎在南荒  
離羣過奚補舊游渾似夢捫胸愁幾許田野長荆榛江  
湖動鼙鼓毛錐安用之胯下少年侮氛祲鬱未消軍書  
仍旁午故人隔天涯迢遞郵程數奮飛恨無翼竟爾成

強弩黯黯芙蓉峯坐看黃鸝舉聚散亦偶然  
天地本逆旅如何儻來物斤斤權取與君子素位行莫忘聖賢語